



Inatsisartunut ilaasortaq Sara Olsvig, Inuit Ataqatigiit
Inatsisartut Allattoqarfiat
/Maani

**Eqqartuussissuserisut misissuinerat pillugu § 37 naapertorlugu apeqqummut nr.
112-imut akissut**

Asasara Sara Olsvig,

21-04-2015
Suliap nr. 2015-114149
All. nr. [1940213]

Inatsisartut suleriaasianni § 37 naapertorlugu apeqqutigivat Pituffik pillugu kiffartuussi-
nissamut isumaqatigiisummik Namminersorlutik Oqartussat suliarinninnerannik
eqqartuussissuserisut misissuinerannut tunngatillugu Apeqqutit uannit akineqartussan-
ngortinneqarsimapput.

Postboks 101
3900 Nuuk
Oqarasuaat (+299) 34 50 00
Fax (+299) 32 50 02
E-mail: govsec@nanoq.gl
www.naalakkersuisut.gl

Apeqqutigineqartunut akissutikka ataani tullerijiarlutik allassimapput.

Apeqqutit:

Naalakkersuisut eqqartuussissuserisumik Pituffimmut kiffartuussinissamut isu-
maqatigiissusiornermut tunngatillugu misissuititsinerat naammassiva?

Akissut:

Ilisimatitsissutigissavara eqqartuussissuserisut misissuinerat suliaq kinguaattoorsimavoq.
1. april 2015 naammassineqartussaagaluarmat. Misissuinerli kinguaattoorsimavoq.

Kinguaattoorneq pissuteqarpoq eqqartuussissuserisoq Ole Spiermann eqqartuussis-
suserisunut ileqquusut pillugit maleruaqqusat malillugit misissuinerup aallartinne-
qareersumik isumaginnissinnaanngitsutut nalilerneqarmat.

Eqqartuussissuserisut misissuinaannut suliamut attuumassuteqartut tamarmik
tatiginninnissamik soqutiginninnerat aallaavigalugu apeqquserneqarpoq Ole Spiermann
eqqartuussissuserisunut ileqquusut pillugit maleruaqqusat malillugit misissuinerup aala-
jangiiffigineqarnissaanut piukkunnaateqarnerisooq, tassa misissuinerup aalajangiineq
Advokatrådets Responsumudvalgimut, Advokatnævnmik taaneqartartumut saqqummi-
ussinissamut. Eqqartuussissuserisut Allattoqarfiata ilisimatitsissutigaa suliaq aprillip
qaammataata ingerlanerani suliarineqassasoq naatsorsuutigalugu.

Tamanna tunngavigalugu eqqartuussissuserisut misissuinaannut unitsikkallarneqarpoq.
Advokatrådets Responsumudvalgip Bruun & Hjejle aamma Namminersorlutik Oqartus-
sat taperserpagit misissuineq piaartumik aallarteqqinneqassaaq, naatsorsuutigi-
neqarlunilu 2015-imi juunip qaammataani naammassineqassasoq.

Apeqquitit:

Naalackersuisut misissuititsinerup inenera innuttaasunut Inatsisartunullu Inatsisartut martsip 19-ni 2015-imi ataatsimoorlutik avammut oqaaseqaatiminni sakkortuumik inasutigisaattut saqqummiunniarpaat?

Akissut:

§ 37 naapertorlugu apeqqummut nr. 52-imut akissutinni ilisimatitsinittut itigartinngilara misissuinermut suliaakkiissutip taassumalu inernerata imaluunniit inernerata ilaanik Inatsisartunut imaluunniit tamanut kingusinnerusukkut saqqummiunneqarsinnaanera.

Tamanut saqqummiussinermi paasissutissat ilaanik isertuussisoqartussaannersoq pillugu isummertoqarumaarpoq. Aamma nunanut allanut sillimaniarnikkullu politikkeqarneq pillugu eqqarsaatit, nunanullu allanut pissaaneqartunut pissutsit pingaaruteqalersinnaapput, soorlu aamma nalinginnaasumik nipangiussisussaataitaneq matumani pineqartoq eqqarsaatigalugu.

Neriuppunga qulaani allassimasuni akissutigisakka naammagissagitit.

Inussiarnersumik inuulluaqqusillunga



Kim Kielsen